



# Халқ сўзи

Ўзбекистон — келажаги буюк давлат

1991 йил 1 январдан чиқа бошлаган

WWW.XS.UZ

E-mail: info@xs.uz

2019 йил 5 январь, № 2 (7232)

Шанба

Сайтимизга ўтиш учун QR-кодни телефонингиз орқали сканер қилинг.



## Ўзбекистон Президенти ШХТ бош котибини қабул қилди

**Ўзбекистон Республикаси Президенти Шавкат Мирзиёев 3 январь куни жорий йил 1 январдан Шанхай ҳамкорлик ташкилоти Бош котиби лавозимини бажаришга киришган Владимир Норовни қабул қилди.**

Давлатимиз раҳбари Ўзбекистон Республикаси вакилининг шундай юқори ва масъулиятли лавозимига — ШХТ Бош котибига тасдиқлаштириш тарихий воқеа эканини алоҳида таъкидлади. Биринчи марта Ўзбекистон фуқароси халқаро ташкилотнинг раҳбари этиб тайинланди. Урашувда Ўзбекистон Президенти очик ва конструктив мулоқот учун самарали майдон, кўп қиррали ҳамкорликнинг таъсирчан механизми, шунингдек, Марказий Осиё минтақасида хавфсизлик ва барқарорликнинг муҳим омилга айланган Шанхай ҳамкорлик ташкилоти фаолиятига юқори баҳо берди.

Мазкур нуфузли ташкилот билан шериклик муносабатларини йўлга қўйишга қизиқиши тобора ортиб бораёттир.

Президентимиз Шанхай ҳамкорлик ташкилоти доирасида ишга солинмаган улкан салоҳият мавжудлигига алоҳида эътибор қаратди.

Хавфсизликни таъминлаш, савдо, иқтисодиёт, инвестиция, транспорт коммуникациялари, туризм, қишлоқ хўжалиги ва минтақалараро ҳамкорлик соҳаларидаги алоқаларни ривожлантириш келгусидаги устувор йўналишлар сифатида қайд этилди.

Мамлакатимизда ШХТ доирасида ҳамкорликни ривожлантириш борасида изчил ишлар амалга оширилаётгани таъкидланди. Хусусан, Тошкент шаҳрида ШХТнинг Халқ дипломатияси маркази таъсис этилди, Самарқанд шаҳрида "Ипак йўли" туризм халқаро университети ташкил этилмоқда.

Ўзбекистон ташаббусига мувофиқ Циндао саммити якунида ШХТ давлат раҳбарларининг Ёшларга қўшма мурожаати ҳамда уни амалга ошириш бўйича Ҳаракатлар дастури қабул қилинди.

Урашув сўнгига давлатимиз раҳбари В. Норовга ШХТ Бош котибидек масъулиятли лавозимда омад ва муваффақиятлар тилади.

Хорижий давлатлар ва халқаро тузилмаларнинг

## Ўзбекистон Республикаси Президентининг Қ А Р О Р И

### Ўзбекистон Республикаси Вазирлар Маҳкамаси ҳузуридаги мутахассисларни хорижда тайёрлаш ва ватандошлар билан мулоқот қилиш бўйича «ЭЛ-ЮРТ УМИДИ» ЖАМҒАРМАСИНИНГ ДАСТУРЛАРИ БЎЙИЧА КАДРЛАРНИ ЎҚИТИШНИ ТАШКИЛ ЭТИШНИ ЯНАДА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

Хориждаги етакчи университетлар, илмий марказлар ва бошқа ташкилотларда кадрларни тайёрлаш, малакасини ошириш ва стажировкадан ўтказиш тизимини янада такомиллаштириш, ижтимоий соҳа, давлат бошқаруви ва иқтисодиёт устувор тармоқларининг юқори малакали мутахассисларга бўлган ўсиб бораётган эҳтиёжларини қондириш учун зарур шарт-шароитларни яратиш, шунингдек, Ўзбекистон Республикаси Вазирлар Маҳкамаси ҳузуридаги мутахассисларни хорижда тайёрлаш ва ватандошлар билан мулоқот қилиш бўйича «Эл-юрт умиди» жамғармаси (кейинги ўринларда — Жамғарма) фаолиятини самарали ташкил этиш мақсадида:

1. Куйидагилар: Ўзбекистон Республикаси Вазирлар Маҳкамаси ҳузуридаги мутахассисларни хорижда тайёрлаш ва ватандошлар билан мулоқот қилиш бўйича «Эл-юрт умиди» жамғармаси фаолиятини янада такомиллаштириш бўйича 2019 йилга мўлжалланган чора-тадбирлар дастури 1-иловага мувофиқ;

Ўзбекистон Республикаси Вазирлар Маҳкамаси ҳузуридаги мутахассисларни хорижда тайёрлаш ва ватандошлар билан мулоқот қилиш бўйича «Эл-юрт умиди» жамғармаси дастурунинг мувофиқ кадрларни тайёрлаш, малакасини ошириш ва стажировкадан ўтказиш учун номзодларни танлов асосида саралаб олиш схемаси 2-иловага мувофиқ тасдиқлансин.

2. Белгилансинки, кадрларни тайёрлаш, малакасини ошириш ва стажировкадан ўтказиш учун номзодларни танлов асосида саралаб олиш вазирликлар ва идораларнинг мақсадли буюртмалари асосида Жамғарма маблағлари (кейинги ўринларда — Жамғарма стипендиялари) ҳисобидан қуйидаги йўналишлар бўйича амалга оширилади:

- таълим; фан ва илмий тадқиқотлар; соғлиқни сақлаш; давлат бошқаруви; иқтисодиётнинг истиқболли тармоқлари.

(Давоми 2-бетда).

## Ўзбекистон Республикаси Президентининг Қ А Р О Р И

### ЭЛЕКТРОТЕХНИКА САНОАТИНИНГ ЭКСПОРТ САЛОҲИЯТИНИ ЯНАДА РИВОЖЛАНТИРИШ ВА ОШИРИШ ЧОРА-ТАДБИРЛАРИ ТЎҒРИСИДА

Ўтган давр мобайнида электротехника саноати ташкилотлари фаолияти самарадорлигини ошириш бўйича салмоқли ишлар бажарилди, бу эса ишлаб чиқаришнинг янги турларини ўзлаштирган ҳолда маҳсулотни ишлаб чиқариш ва экспорт қилиш ҳажмини сезиларли даражада ошириш имконини яратди.

Шу билан бирга, 2017 йилда электротехника саноати киритилган инвестицияларнинг салмоғи республика бўйича умумий инвестицияларнинг атиги 0,8 фоизини, ЯИМ таркибиде электротехника маҳсулоти ишлаб чиқариш ҳажми эса 1,5 фоизни ташкил этди.

Саноатда хом ашё базасининг чегараланганлиги хорижий аналоглари билан солиштирилганда унинг таннархи ошишига сабаб бўлмоқда. Шу билан бирга, хом ашё, материаллар ва бутловчи буюмларнинг импортида қўшилган қиймат солиғи мударани кечиктиришга имкон яратиш ва ҳисобга олиш механизмининг мавжуд эмаслиги экспорт қилувчи ташкилотларнинг айланма маблағлари бошқа мақсадларга жалб қилинишига ва харажатларнинг ошишига олиб келмоқда.

Электротехника саноати ташкилотларининг фаолият самарадорлигини янада ривожлантириш ва ошириш, замонавий техно-

логияларни жорий этиш учун шарт-шароитлар яратиш мақсадида:

1. Электротехника саноати корхоналари, «Ўзэлтехсаноат» АК акциядорларининг умумий йиғилиши, Ўзбекистон Республикаси Молия вазирлиги ҳамда Хусусийлаштирилган корхоналарга кўмаклашиш ва рақобатни ривожлантириш давлат қўмитасининг:

«Ўзэлтехсаноат» АК негизиде унинг мол-мулки ва давлатга тегишли бошқа воситаларини, шунингдек, дебитор ва кредитор қарздорлигини («Ўзэлтехсаноат» АКга тегишли хўжалик жамиятларининг кўчмас мулки ва устив қилинган акциялар пакети (улуши) бундан мустасно) ўтказган ҳолда Ўзбекистон электротехника саноати корхоналари уюшмасини (кейинги ўринларда — «Ўзэлтехсаноат» уюшмаси) ташкил этиш;

«Ўзэлтехсаноат» АКга тегишли хўжалик жамиятларининг кўчмас мулки ва устив қилинган акциялар пакети (улуши)ни Ўзбекистон Республикаси Хусусийлаштирилган корхоналарга кўмаклашиш ва рақобатни ривожлантириш давлат қўмитасига ўтказиш тўғрисидаги тақлифларига розилик берилсин.

(Давоми 2-бетда).

## Давлат дастури лойиҳаси — муҳокамада

### ХАЛҚ ФАРОВОНЛИГИ — УСТУВОР МАҚСАД

2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини «Фаол инвестициялар ва ижтимоий ривожланиш йили»да амалга оширишга оид Давлат дастури лойиҳаси кенг жамоатчилик муҳокамасига қўйилди. Ушбу жараён демократик тамойилларга мослиги ҳамда халқ билан маслаҳатлашнинг ўзига хос амалиёти экани билан алоҳида аҳамиятга эга. Олий Мажлис Қонунчилик палатаси депутатлари мазкур ҳужжат лойиҳаси юзасидан ўз фикр-мулоҳазаларини билдирди.

Нодир МУХТОРОВ, Олий Мажлис Қонунчилик палатаси депутати, Ўзбекистон «Миллий тикланиш» демократик партияси фракцияси аъзоси: — Фракцияимизда мазкур ҳужжат лойиҳаси чуқур ўрганилиб, таҳлил этилди.

Биласиз, тўғридан-тўғри амал қиладиган қонун лойиҳаларини қабул

қилишда парламент палаталарининг юридик хизматига бўлган эҳтиёж тубдан ортиб боради. Шу боис дастур лойиҳасида Олий Мажлис палаталари юридик хизматлари негизиде юридик бошқармалар ташкил этиш масаласининг белгилангани энг долзарб масалалардан бири ҳисобланади.

Лойиҳада Олий Мажлисда Давлат бюджети бошқармасини ташкил этиш

кўрсатилгани ҳам депутат ва сенаторлар учун парламентнинг асосий функцияларидан бири — Давлат бюджетининг даромад ва харажатларини мунтазам кузатиб бориш, назорат қилиш, профессионал тарзда муҳокама этиш имкониятини яратди.

Яна бир муҳим масала шуки — лойиҳада депутат ва сенаторларнинг жисмоний ва юридик шахслар мурожаатлари билан ишлаш тизимини тубдан такомиллаштиришга ҳам эътибор қаратилса, мақсадга мувофиқ бўлар эди. Боиси аксарият ҳолатларда депутатлар мурожаатларни тегишли ташкилотларга юбориш билан чекланиб қолмоқда.

3

## Қорақалпоғистон келгуси 2-3 йилда бутунлай ўзгариши керак... Энг муҳими, ушбу ишларнинг самараси қорақалпоғистонликлар ҳаётида сезилиши керак.

Шавкат МИРЗИЁЕВ



Яқин ўтмишда энг катта қўл мақомига эга бўлган Орол денгизи бир авлод кўз ўнгида йўқолиб борапти. Унинг мавжланиб турган сувлари чекина-чекина, денгиз тубида янги саҳро — Оролқум пайдо бўлди. Ҳозирги пайтда у 5,5 миллион гектардан ортқ майдонни эгаллайди. Бу ердан йилга ўртача 100 миллион тонна кум ва туз ҳавога кўтарилиб, минтақа давлатлари экологиясига салбий таъсир кўрсатмоқда. Кейинги пайтда Оролқум чанг-тўзонлари зарралари Европа мамлакатларига ҳам етиб боргани айтилмоқда. Айниқса, 2018 йилнинг 27 майида ёпирилган туз ёмири инсоният учун бамисоли бонг қўнғироғи сифатида янгради.

Тўғри, энди денгизни ортага қайтариб бўлмайди. Унинг ҳавзасини сув билан тўлдириб ҳам имконсиз. Лекин глобал муаммо таъсирини юмшатиш, Орол-бўйи минтақасида истиқомат қилаётган аҳоли учун муносиб турмуш шароитини яратиш ўз қўлимизда. Шу боис кейинги пайтда давлатимиз раҳбарининг ташаббуси билан Қорақалпоғистон Республикасини

ижтимоий-иқтисодий жиҳатдан ривожлантиришга қаратилган кенг қўламли ишлар олиб бориляпти. Хусусан, Оролга энг яқин худудда жойлашган, табиийки, денгиз фожиясидан ҳам энг кўп зарар кўрган Мўйноқ туманида экологик вазиятни барқарорлаштириш устувор вазифалардан бирига айланди.

3

## ДУНЁ НИГОҲИ

### ХОРИЖ МАТБУОТИДАГИ ЭНГ МУҲИМ МАВЗУ

Президентимизнинг парламентга йўллаган Мурожаатномаси чет эл оммавий ахборот воситалари ва экспертлари томонидан ҳам қизғин муҳокама қилинмоқда.



Хусусан, Эронда инглиз тилида чоп этиладиган «Iran News» газетаси веб-сайтида шу ҳақда репортаж эълон қилинди. «Бир йил олдин Ўзбекистон Президенти Олий Мажлисга ўз Мурожаатномасини йўллаган эди, — дейилади унда. — Давлат ва жамият ҳаётининг барча соҳасини тубдан яхшилашга қаратилган мазкур дастуриламал ҳужжатда 2018 йил учун чуқур ўйланган режалар белгилаб берилган, халқ турмуш тарзи учун муносиб шароитлар яратиш бўйича ташаббуслар илгари сурилганди».

«Давлат раҳбари ўша Мурожаатномасида 2018 йилни «Фаол тадбиркорлик, инновацион соҳалар ва технологияларни қўллаб-қувватлаш йили» деб номлашни тақлиф этган эди, — дея давом этади репортаж муаллифи. — 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясини амалга оширишнинг навбатдаги бошқичага айланган 2018 йилда мамлакат фаровонлигини янада юксалтириш йўлида улкан ишлар қилинди».

«Iran News»да қайд этилишича, 2018 йил 28 декабрь куни парламентга қилинган Мурожаатномда ўтган йилда рўёбга чиқарилган ишлар таҳлил этилди, келгуси йил учун режалар белгилаб берилди, давлат

ички ва ташқи сиёсатининг асосий йўналишлари кўрсатиб ўтилди, улар барчада катта қизиқиш уйғотди. «Президент томонидан эълон қилинган рақамларга кўра, аҳолининг умумий реал даромадлари 2017 йилдагига нисбатан 12 фоиз ошди. Солиқларнинг прогноздан ошириб бажарилган қисми ҳисобидан худудларда 5,5 триллион сўм қўшимча маблағ қолдирилди. Бу, аввалги йилдагига нисбатан 6 баробар, 2016 йилдагига қараганда эса 32 баробар кўпдир», деб ёзилади нашрда. Газетада Шавкат Мирзиёевнинг тақлифи билан 2019 йилга «Фаол инвестициялар ва ижтимоий ривожланиш йили» деб ном берилган «Энг асосий янгилик», деб қайд этилган. Бу республикада ҳаётга таъбиқ этилган ислохотларнинг мантиқий давомига айналди.



Афғонистон матбуоти ҳам Ўзбекистон раҳбарининг Олий Мажлисига йўллаган Мурожаатномасини катта қизиқиш билан кутиб олди. Жумладан, у ерда инглиз тилида чиқадиган етакчи «Daily Outlook Afghanistan» газетасида «Ўзбекистон афғон тинчлик жараёнини тўлиқ қўллаб-қувватлайди» сарлавҳали мақола эълон қилинди.

3



ЦЗЯНЬ Янь, ХХРнинг Ўзбекистондаги Фавқулодда ва мухтор элчиси:

### Ўзбекистонда кенг қўламли ислохотлар муваффақиятли амалга ошириляпти

Яқинда Хитой ва Ўзбекистон ўртасида дипломатик муносабатлар ўрнатилганининг 27 йиллигини нишонлади. Ана шу даврдаги икки томонлама алоқалар мустаҳкам асосга таянади, яқин ҳамкорлик, катта натижалар ва кенг истиқбол касб этади.

Поёнига етган 2018 йил Хитой учун ҳам, Ўзбекистон учун ҳам муҳим ва ўзига хос кечди. «Ислохот» атамаси икки мамлакат учун ҳам давлат тараққиёти ва халқ фаровонлиги йўлидаги ҳал қилувчи тушунчага айланди.

Хитой 2018 йилда ислохотлар ва очкилик сиё-

сатининг 40 йиллигини нишонлади. Ушбу даврда эришилган улкан ўзгаришларга қарамай, ХХР қўлга киритилган кўрсаткичлар билан чекланиб қолмади ҳамда танланган сиёсатини келгусида ҳам амалга ошириш бўйича чора-тадбирлар қабул қияпти. Биринчи Хитой халқаро им-

3

Мустақиллик йилларида Ўзбекистон бўйича 1,22 млн. гектарга яқин ўрмонзор яратилди. Шундан 400 МИНГ гектардан ортиғи Оролбўйи худудига тўғри келади.

Махсус дастурга кўра, Орол денгизининг сувсиз худудиде жорий йилда яна 500 минг гектар ўрмонзор барпо этилади. Мўйноқ туманида барча зарур инфратузилмаларга эга бўлган замонавий шаҳарча бунёд этилади.

Президентимизнинг парламентга йўллаган Мурожаатномаси асосида тайёрланди.

## Ўзбекистон Республикаси Президентининг Қ А Р О Р И

# ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИ ҲУЗУРИДАГИ МУТАХАССИСЛАРНИ ХОРИЖДА ТАЙЁРЛАШ ВА ВАТАНДОШЛАР БИЛАН МУЛОҚОТ ҚИЛИШ БЎЙИЧА «ЭЛ-ЮРТ УМИДИ» ЖАМҒАРМАСИНИНГ ДАСТУРЛАРИ БЎЙИЧА КАДРЛАРНИ ЎҚИТИШНИ ТАШКИЛ ЭТИШНИ ЯНАДА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

◄(Давоми. Бошланиши 1-бетда).

3. 2019 — 2021 йилларда Жамғарма стипендиялари ҳисобидан кадрларни тайёрлаш, малакасини ошириш ва стажировкадан ўтказиш дастурлари бўйича ўқишга юбориладиган кадрларнинг прогnoz мiқдори 3-иловага мувофиқ 4 000 ўридан кам бўлмаган миқдорда, Жамғарма стипендияларига ажратилган умумий ўринларнинг 20 фоизидан кам бўлмаган миқдорини магистратура ва докторантурада ўқиш учун ажратилиши маъқуллансин.

4. Белгилаб қўйилсинки:

а) вазирликлар ва идоралар ҳар йили 1 августга қадар:

Жамғарма дастурлари бўйича хориждаги етакчи университетлар, илмий марказлар ва бошқа ташкилотларда кадрларни тайёрлаш, малакасини ошириш ва стажировкадан ўтказишга буюртмалар портфелини шакллантиради;

кадрларни тайёрлаш, малакасини ошириш ва стажировкадан ўтказишнинг устувор йўналишлари ва мутахассисликлар бўйича таклифларни Жамғармага киритади, шунингдек, энг яхши тайёрланган номзодларни Жамғарманинг танловида иштирок этишлари учун тавсия қилади;

б) Жамғарманинг Васийлик кенгаши:

Жамғарма стипендияларини олиш учун йўналишлар бўйича номзодларни танлов асосида саралаб олиш юзасидан кадрларни тайёрлаш, малакасини ошириш ва стажировкадан ўтказишнинг устувор мутахассисликларини тасдиқлайди;

номзодларни танлов асосида саралаб олишнинг тегишли даражаси ва сифатини таъминлаш мақсадида танлов йўналишлари бўйича ажратилган ўринларни қайта тақсимлаш бўйича қарорлар қабул қилади.

5. Жамғарманинг Васийлик кенгашига:

кўзда тутилган лимитлар доирасида Жамғарма стипендиялари йўналишлари бўйича ўрнатилган тартибда қўшимча танловларни эълон қилишга;

алоҳида вазирлик ва идоралар ходимлари касбий фаолиятининг зарурати ҳамда ўзига хос жиҳатларидан келиб чиққан ҳолда, Жамғарма стипендияларига номзодларни танлов асосида саралаб олиш йўналишларига ўзгартиришлар киритишга;

халқро тан олинган ташкилотлар рейтингига кўра, ҳаҳондаги энг яхши 500 талик ёки танланган фан йўналиши бўйича энг яхши 200 талик рўйхатига кирган хорижий таълим муассасалари ва илмий марказларнинг

магистратураси ёки докторантурасига мустақил тарзда кирган ва таълим олаётган Ўзбекистон Республикасининг фуқароларига Жамғарма стипендияларини ажратиш бўйича қарорлар қабул қилишга;

Жамғарма харажатлари параметрларида хорижий ҳамда маҳаллий таълим ва илмий муассасалари билан биргаликда ташкил этиладиган таълим ва тадқиқот лойиҳаларини, шу жумладан, Жамғарма стипендияларига номзодларни хорижий тилларга ўқитиш дастурларини молиялаштириш учун зарур маблағларни кўзда тутишга руҳсат берилсин.

6. Вазирлик ва идоралар икки ҳафта муддатда 2019 йил учун ажратилган ўринлардан келиб чиқиб, хорижда кадрларни тайёрлаш, малакасини ошириш ва стажировкадан ўтказишнинг устувор йўналишлари ва мутахассисликлари бўйича асосланган таклифларни Жамғармага тақдим этсин.

Жамғарма Васийлик кенгаши икки ой муддатда Бир номзодга ажратиладиган Жамғарма стипендиясининг чегаравий ўлчами ва молиялаштириш тартибини белгилаш тўғрисидаги низомни ишлаб чиқсин ва тасдиқласин.

7. Ўзбекистон Республикаси Олий ва ўрта махсус таълим вазирлиги:

Жамғарма, Ўзбекистон Республикаси Президенти ҳузуридаги Давлат бошқаруви академияси ва Ўзбекистон Республикаси Ташқи ишлар вазирлиги билан биргаликда 2019 йилнинг 1 мартига қадар Жамғарма стипендияларини олишга номзодларни, айникса, республика ҳудудларида хорижий тилларга ўқитишнинг махсус дастурларини ишлаб чиқсин;

2019 йилнинг 1 апрелидан бошлаб Жамғарма стипендияларини олишга номзодларни хорижий тилларга (инглиз, немис, француз ва бошқалар) ўқитиш махсус дастурлари асосида мақсадли курсларни ташкил этиш чораларини кўрсин.

8. Ўзбекистон Республикаси Тикланиш ва тараққиёт жамғармаси маблағлари Ўзбекистон Республикаси Президентининг 2018 йил 25 сентябрдаги ПФ-5545-сонли Фармонида кўзда тутилган манбалар билан бир қаторда, Жамғарманинг хорижда кадрларни тайёрлаш, малакасини ошириш ва стажировкадан ўтказиш қисми бўйича харажатларини молиялаштиришнинг қўшимча манбаси этиб белгилансин.

9. Ўзбекистон Республикаси Тикланиш ва тараққиёт жамғармаси:

2019 йилда Жамғарма дастурлари бўйича хорижда кадрларни тайёрлаш, малакасини ошириш

## Ўзбекистон Республикаси Президентининг Қ А Р О Р И

# ЭЛЕКТРОТЕХНИКА САНОАТИНИНГ ЭКСПОРТ САЛОҲИЯТИНИ ЯНАДА РИВОЖЛАНТИРИШ ВА ОШИРИШ ЧОРА-ТАДБИРЛАРИ ТЎҒРИСИДА

◄(Давоми. Бошланиши 1-бетда).

2. Қуйидагилар:

ихтиёрий асосда аъзо бўлган электротехника саноати корхоналари ва ташкилотлари “Ўзэлтехсаноат” уюшмаси аъзолари ҳисобланиши;

ижро аппаратининг тузилмасини тасдиқлаш “Ўзэлтехсаноат” уюшмаси таъсисчиларининг умумий йиғилиши қарори билан амалга оширилиши;

“Ўзэлтехсаноат” уюшмаси раиси ва унинг ўринбосарлари таъсисчиларнинг умумий йиғилиши қарори билан сайланиши;

“Ўзэлтехсаноат” уюшмаси фаолиятини жорий таъминлаш ва молиялаштириш “Ўзэлтехсаноат” уюшмаси аъзоларининг бадал ва ажратмалари ҳамда қонунчиликда тақиқланмаган бошқа манбалар ҳисобидан амалга оширилиши маълумот учун қабул қилинсин.

3. “Ўзэлтехсаноат” уюшмасининг асосий вазифалари этиб қуйидагилар белгилансин:

хом ашёни қайта ишлаш, юқори қўшилган қийматли таёвр маҳсулот ишлаб чиқариш ва экспорт қилиш бўйича ягона комплекс сифатида, шу жумладан, саноат кооперациясини кенгайтириш ва қўллаб-қувватлаш асосида саноатни барқарор ривожлантириш стратегиясини ишлаб чиқиш;

ички ва ташқи бозорларда электротехника маҳсулотларига бўлган талаб қонъюнктурасини ўрганиш ва шу асосда маҳсулотнинг янги турларини ўзлаштиришда кўмаклашиш, ички бозорни юқори сифатли миллий электротехника маҳсулотлари билан тўлдириш ва унинг экспорт географиясини, шу жумладан, турли ахборот ресурслари ва кўргазма тадбирларида миллий брендларни илгари суриш ва электротехника саноати корхоналари салоҳиятини намоён этиш орқали кенгайтириш бўйича комплекс чора-тадбирларни амалга ошириш;

электротехника маҳсулотларини ишлаб чиқариш бўйича юқори технологик ишлаб чиқаришни ўзлаштириш учун инвестициялар, биринчи навбатда, чет эл инвестицияларини кенг жалб қилишга кўмаклашиш, саноатни модернизация қилиш, техник ва технологик қайта жиҳозлаш, ихтисослашган етакчи хорижий компаниялар билан қўшма ишлаб чиқаришни ташкил этиш;

электротехника саноати соҳасидаги стандартлаштириш ва сертификатлаштириш тизимини халқро талаблар ва стандартлар билан уйғунлаштириш орқали уни тақомиллаштириш бўйича комплекс чора-тадбирларни қабул қилиш;

ҳудудлар салоҳиятини янада ривожлантириш истиқболлари, хом ашё базаси, инфратузилма, меҳнат ресурслари ва бозорларнинг мавжудлигидан келиб чиққан ҳолда электротехника саноати корхоналарини жойлаштиришга кўмаклашиш;

электротехника саноати соҳасида кадрларни тайёрлашга бўлган реал эҳтиёж ва истиқболли йўналишларни аниқлаш, мутахассисларни тайёрлаш, қайта тайёрлаш ва малакасини ошириш бўйича ўқув

дастурларни тақомиллаштиришда иштирок этиш, мазкур соҳада илмий тадқиқот ишларини чуқурлаштириш;

саноатни жадал ривожлантиришга ва электротехника саноати корхоналарининг барқарор фаолият кўрсатишига тўсқинлик қилувчи тизимли муаммоларни аниқлаш ва бартараф этиш, мазкур соҳадаги қонунчиликни янада тақомиллаштириш бўйича таклифлар ишлаб чиқиш.

4. Ўзбекистон Республикаси Ҳусусийлаштирилган корхоналарга кўмаклашиш ва рақобатни ривожлантириш давлат қўмитасининг “Сино” АЖ давлат акциялари пакетини инвесторларга танлов асосида “ноль” харид қиймати бўйича корхонанинг кредиторлар олдидаги қарзини тўлаш билан бир вақтда корхонанинг фаолиятини соғломлаштириш учун инвестициялар киритиш шарти билан топшириш тўғрисидаги таклифига розилик берилин.

5. Ўзбекистон Республикаси Молия вазирлиги, Иқтисодиёт вазирлиги, Ташқи савдо вазирлиги ва “Ўзэлтехсаноат” уюшмасининг:
ТИФ ТН кодлари 7411 гуруҳи бўйича мис қувурлар экспортига қўшилган қиймат солиғининг нолю ставкасини қўллаш;

ТИФ ТН кодлари 7407 — 7410 ва 7412 — 7419 гуруҳлари бўйича мисдан ياسалган маҳсулотлар экспортига қўшилган қиймат солиғининг нолю ставкасини харид қилинган мис бўйича қўшилган қиймат солиғи суммасининг 50 фоизини ҳисобга киритиш, қолган ярмини корхона харажатларига ўтказган ҳолда, 2020 йилнинг 1 январига қадар қўллаш тўғрисидаги таклифи қабул қилинсин.

6. “Ўзэлтехсаноат” уюшмаси таркибига кирадиган электротехника ва электр-маиший маҳсулотлар ишлаб чиқарувчи корхоналарга 2022 йилнинг 1 январига қадар ўзининг асосий ва ёрдамчи ишлаб чиқариши учун бутловчи буюмлар, хом ашё ва материаллар, шунингдек, улар томонидан амалга ошириладиган инвестиция лойиҳалари доирасида олиб келинадиган қурилиш материаллари импортида боҳхона декларацияси қабул қилинган кундан бошлаб қўшилган қиймат солиғини тўлашни 120 кунга кечиктириш имконияти берилсин.

Ўзбекистон Республикаси Молия вазирлиги, Давлат боҳхона қўмитаси ва Давлат солиқ қўмитаси икки ой муддатда қўшилган қиймат солиғини тўлашни кечиктириш бўйича қарздорлик суммасини қўшилган қиймат солиғи юзасидан умумий ҳисоб-китобда ёпишни назарда тутувчи “Ўзэлтехсаноат” уюшмаси таркибига кирадиган электротехника ва электр-маиший маҳсулотлар ишлаб чиқарувчи корхоналарга кечиктириш имкониятини бериш тартибини ишлаб чиқсин ва тасдиқласин.

7. Белгилаб қўйилсинки, 2022 йилнинг 1 январига қадар:

“Ўзэлтехсаноат” уюшмаси мол-мулк солиғи ва юридик шахслардан олинадиган фойда солиғи тўлашдан озод этилади;

шартномалар бўйича ташкилотларнинг “Ўзэлтехсаноат” уюшмасига ажратмалари юридик шахслардан олинадиган фойда солиғи бўйича солиқ солинадиган базадан чиқарилади.

ва стажировкадан ўтказишни молиялаштириш учун 3 миллион АҚШ доллари мiқдорида маблағ ажратсин;

Жамғарманинг асосланган талабномалари бўйича хорижда кадрларни тайёрлаш, малакасини ошириш ва стажировкадан ўтказиш харажатларини молиялаштиришни таъминласин.

10. Ўзбекистон Республикаси Инвестициялар бўйича давлат қўмитаси:

Ўзбекистон Республикаси номидан тузиладиган инвестицион битимларга инвесторларнинг инвестициялари объекти бўлган ташкилотлар учун хорижда кадрларни (мутахассисларни), шу жумладан, Жамғарманинг таълим дастурлари бўйича ўқитиш йўли билан тайёрлаш, малакасини ошириш ва стажировкадан ўтказишни молиялаштириш бўйича мажбуриятлари киритилишини амалиётга татбиқ этсин;

Жамғарма ҳамда манфаатдор вазирлик ва идоралар билан биргаликда икки ой муддатда Жамғарма дастурлари доирасида хорижда кадрларни тайёрлаш, малакасини ошириш ва стажировкадан ўтказишни молиялаштириш учун халқро молия институтлари ва хорижий ҳукумат молиявий ташкилотларининг узоқ муддатли грант маблағларини жалб этиш масаласини ишлаб чиқсин ва натижалари бўйича Ўзбекистон Республикаси Вазирлар Маҳкамасига асосланган таклифларни киритсин.

11. Жамғарма хорижда таълим оладиган стипендиатларнинг дастлабки миқдорини аниқлаб, кадрларни тайёрлаш, малакасини ошириш ва стажировкадан ўтказиш йўналишлари ва мутахассисликлари бўйича аниқ таклифларни бир ой муддатда Ўзбекистон Республикаси Ташқи ишлар вазирлигига киритсин.

12. Ўзбекистон Республикаси Ташқи ишлар вазирлиги Ўзбекистон Республикасининг хориждаги дипломатик ваколатхоналари ва консуллик муассасалари билан биргаликда Жамғармага қўйидаги масалалар юзасидан қўмак берилишини таъминласин:

халқро ташкилотлар, хорижий мамлакатлар давлат тузилмалари ва нодавлат ташкилотлари билан алоқа ўрнатиш ҳамда уларни кадрларни тайёрлаш, малакасини ошириш ва стажировкадан ўтказиш бўйича лойиҳаларни амалга оширишга жалб қилиш;

республика мутахассисларини хориждаги етакчи университетлар, илмий марказлар ва бошқа ташкилотларда тайёрлаш, малакасини ошириш ва стажировкадан ўтказишга юбориш;

ҳамкорлар излаш ҳамда Жамғарма стипендиатларини ўқитиш учун хорижий мамлакатлар етакчи университетлари ва илмий марказлари билан ҳамкорлик тўғрисида тегишли битимларни тузиш;

бир йилда камида икки марта Ўзбекистон Республикасининг хориждаги дипломатик ваколатхоналари ва консуллик муассасалари иштирокида Жамғарма дастурлари бўйича кадрларни тайёрлаш, малакасини ошириш ва стажировкадан ўтказишни ташкиллаштириш масалаларини муҳокама қилиш учун видеоселектор йиғилишини ўтказиш.

13. Вазирликлар ва идоралар бир ой муддатда Ўзбекистон Республикаси Ташқи ишлар вазирлиги ва Жамғармага:

мамлакатда амалга оширилаётган ислохотларни амалга оширишга етакчи хорижий экспертлар, шу жумладан, чет элда яшайдиган ватандошларни жалб этиш ҳамда уларнинг салоҳиятидан фойдаланиш масалаларини ишлаб чиқиш учун иқтисодиёт тармоқлари ва соҳалари бўйича талаб этиладиган мутахассисликлар рўйхатини;

илгари тегишли вазирликлар ва идораларнинг марказий аппаратлари ва таркибий бўлинмаларида ишлаган, ҳозирда чет элга чиқиб кетган юқори малакали мутахассислар рўйхатини киритсин.

14. Ўзбекистон Миллий телерадиокомпанияси, Ўзбекистон Миллий ахборот агентлиги, “Дунё” ахборот агентлиги ҳамда Ўзбекистон Матбуот ва ахборот агентлигига Жамғарма томонидан амалга оширилаётган чора-тадбирларни оммавий ахборот воситаларида кенг ёритиш тавсия этилсин.

15. Жамғарма манфаатдор вазирлик ва идоралар билан биргаликда бир ой муддатда қонун ҳужжатларига ушбу қарордан келиб чиқадиган ўзгартириш ва қўшимчалар тўғрисида Ўзбекистон Республикаси Вазирлар Маҳкамасига таклифлар киритсин.

16. Мазкур қарорнинг ижросини назорат қилиш Ўзбекистон Республикасининг Бош вазири А. Н. Арипов, Ўзбекистон Республикаси Президенти Администрацияси раҳбари З. Ш. Низомиддинов ва Ўзбекистон Республикаси Президенти маслаҳатчиси А. А. Абдувахитов зиммасига юклансин.

<b>Ўзбекистон Республикаси Президенти</b>	<b>Ш. МИРЗИЁЕВ</b>
Тошкент шаҳри, 2019 йил 4 январь	
<b>Ўзбекистон Республикаси Президенти</b>	<b>Ш. МИРЗИЁЕВ</b>
Тошкент шаҳри, 2019 йил 4 январь	





**Хурматли ватандошлар!**

**«Ўзбекистон металлургия комбинати»нинг кўп минг кишилик меҳнат жамоаси кириб келган Янги — 2019 йил билан барчангизни самимий қутлайди!**

Янги йил жамики эзгу ниятларингиз амалга ошадиган қутлуғ йил бўлишини тилаб қоламиз! Оиламиз тинч, барчамиз соғ-саломат, меҳнат фаолиятимиз эса барокатли бўлсин. Она Ўзбекистонимизнинг жаҳон сиёсий айвонидаги ижтимоий ва иқтисодий нуфузи янада юксалишига тилакдошимиз!

**Байрам муборак бўлсин, азиз дўстлар!**



**Ўзбекистон Республикаси**

**Ташқи иқтисодий фаолият миллий банки кириб келган ЯНГИ ЙИЛ**

билан барчангизни табриклайди ҳамда миллий валютада янги муддатли омонатни ва совға картасини таклиф қилади!

**«ИККИ БАРОБАР ФОЙДА»** омонатини очинг, йиллик **19%** ва 3 000 000 сўмгача бўлган совға картасига **«MEDIAPARK»** савдо тармоғидан кенг ассортиментдаги техникаларни олинг!

Совға картасининг суммаси омонат суммасига боғлиқ.

**«ИККИ БАРОБАР ФОЙДА»** омонати бўйича акцияси 2018 йилнинг 5 декабридан 2019 йилнинг 15 январигача фақат Тошкент шаҳрида амал қилади!

**Совға картасини олиш шартлари:**

омонатга бошланғич кириш миқдори	совға картасининг миқдори (сўм)
20,0 млн. сўмдан 50,0 млн. сўмгача	300 000
50,1 млн. сўмдан 100,0 млн. сўмгача	800 000
100,1 млн. сўмдан 300,0 млн. сўмгача	1 500 000
300,1 млн. сўмдан 500,0 млн. сўмгача	2 000 000
500,1 млн. сўмдан юқори	3 000 000

Омонатни сақлаш муддати: 18 ой.

**Акция вақти чекланган!**  
**Шошилинг ва Янги йил байрамини «ИККИ БАРОБАР ФОЙДА» билан нишонланг!**

Батафсил маълумотни куйидаги телефон рақамлари орқали олишингиз мумкин: 78-148-00-10 ва 71-235-90-20.

**WWW.NBU.UZ**



**Қадрли юртдошлар!**

**Барчангизни кириб келган Янги — 2019 йил билан самимий муборакбод этамиз!**

Сиз, санъатсевар халқимизга тинчлик-хотиржамлик, соғлиқ-омонлик, хонадонингизга файзу барака тилаймиз. Элимиз фаровонлиги йўлида олиб бораётган эзгу ишларингизда омад ёр бўлсин. Янги — 2019 йил ҳаммага олам-олам қувонч ва шодлик олиб келсин!

**«Ўзбекконцерт» давлат муассасаси**

**ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ ВАЗИРЛИКЛАР, ДАВЛАТ ҚЎМИТАЛАРИ ВА ИДОРЛАР ТОМОНИДАН ҚАБУЛ ҚИЛИНГАН НОРМАТИВ-ҲУҚУҚИЙ ҲУЖАТЛАРНИ ДАВЛАТ РЎЙХАТИДАН ЎТҚАЗИШ ҲОЛАТИ ТЎҒРИСИДА 2018 ЙИЛ 17 НОЯБРДАН 23 НОЯБРГАЧА БЎЛГАН МАЪЛУМОТНИ ХАБАР ҚИЛАДИ.**

**I. Давлат рўйхатидан ўтказилди:**

1. Ўзбекистон Республикаси адлия вазирининг 2018 йил 21 ноябрдаги 527-мқ-сон "Идоравий норматив-ҳуқуқий ҳужжатни давлат реестридан чиқариш тўғрисида"ги буйруғи. **2018 йил 21 ноябрда рўйхатдан ўтказилди, рўйхат рақами 2070-1. (2018 йил 21 ноябрдан кучга кирди).**

2. Ўзбекистон Республикаси ички ишлар вазирининг 2018 йил 20 октябрдаги 288-сон "Ўзбекистон Республикаси Ички ишлар вазирлигининг ихтисослаштирилган мактаб-интернатига ўқувчиларни ўқишга қабул қилиш учун танловлар ўтказиш ва уларнинг ҳужжатларини расмийлаштириш тартиби тўғрисидаги низоми тасдиқлаш ҳақида"ги буйруғи. **2018 йил 22 ноябрда рўйхатдан ўтказилди, рўйхат рақами 3089. (2018 йил 23 ноябрдан кучга кирди).**

3. Ўзбекистон Республикаси Давлат рақобат қўмитаси ҳузуридаги Қимматли қўғозлар бозорини мувофиқлаштириш ва ривожлантириш маркази бош директорининг 2018 йил 19 октябрдаги 2018-11-сон "Уюшган биржадан ташқари бозорда қимматли қўғозларнинг олди-сотди битимларини амалга ошириш тартиби тўғрисидаги низомига ўзгартириш ва қўшимчалар киритиш тўғрисида"ги буйруғи. **2018 йил 23 ноябрда рўйхатдан ўтказилди, рўйхат рақами 1384-7. (2018 йил 24 ноябрдан кучга кирди).**

**II. Давлат реестридан чиқарилди:**

1. Назорат қилувчи органлар фаолиятини мувофиқлаштирувчи Республика кенгашининг "Назорат қилувчи органлар мансабдор шахсларини ҳўжалик юритувчи субъектларда текшириш ўтказиш ҳуқуқини бериш бўйича аттестациядан ўтказиш тартиби тўғрисидаги низоми тасдиқлаш ҳақида"ги қарорининг 18-банди ва иловаси (рўйхат рақами 2070, 2010 йил 20 январь).

**Адлия вазирининг 2018 йил 21 ноябрдаги 527-мқ-сон буйруғига асосан давлат реестридан чиқарилди.**

**Маъмур ҳужжат қонунчиликка ўзгартириш киритилиши ва/ёки янги норматив-ҳуқуқий ҳужжатлар қабул қилиниши муносабати билан давлат реестридан чиқарилди.**

**ХАЛҚ БАНКИ**

**Акциядорлик тижорат Халқ банкининг Тошкент шаҳар Сергели филиали янги маъмурий бино қуриш ишларини амалга ошириш учун танлов эълон қилади.**

**Унда қурилиш бўйича фаолият юритувчи фирмалар иштирок этиши мумкин.**

**Манзил: Тошкент шаҳри, Яққасарой тумани, Шота Руставели кўчаси, 9-уй. Мурожаат учун телефон: 71-281-45-98, 71-281-47-13**

Тошкент давлат иқтисодиёт университети ректорати ва Касаба уюшма қўмитаси университет бош ҳисобчиси Суннатулло Эргашева онаси **БҲРИНИСА** аянинг вафоти муносабати билан чўқур ҳамдардлик изҳор этади.

**«ХАЛҚ СЎЗИ»га** 9.00 дан 18.00 гача **71-232-10-63, 71-232-11-15.**

**ЭЪЛОНЛАР** E-mail: reklamax@mail.ru reklama@xs.uz

**ҚАБУЛ ҚИЛИНАДИ.**

**Халқ сўзи Народное слово**

**Бош муҳаррир Ўткир РАҲМАТОВ**

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 156. 60 129 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нархда.

Газетамиз ҳақидаги маълумотларни юзлаб олиш учун QR-коднинг телефонингиз орқали сканер қилинг.

**ТЕЛЕФОНЛАР:** Девонхона 71-233-52-55; Котибият 71-233-10-28; Эълонлар 71-232-11-15.

Тахриратга келган кўлабмақал тақрир қилинмайди ва муаллифга қайтарилмайди. Газетанинг сўзга берилиши учун обунани расмийлаштиришга ташкилот жавобгар. Газета тахрират компьютер марказида термиди ҳамда оператор М. Бегмуратов томонидан саҳифаланади. Газетанинг полиграфик жиҳатдан сифатли чоп этилишига «Шарқ» нашриёт-матбаа акциядорлик компанияси масъул. Босмахона телефони: 71-233-11-07.

**• МАНЗИЛИМИЗ:** 100000, Тошкент шаҳри, Матбуотчилар кўчаси, 32-уй. Навбатчи муҳаррир — Ҳ. Тошхўжаев. Навбатчи — Р. Шеркулов. Мусахҳиҳ — Ш. Машраббоев.

«Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. ЎзА яқуни — 21.55 Топширилди — 23.55 1 2 3 4 5 6